

ŠKOLE SVJETSKOG ETOSA

Graditelji mostova, univerzalne ljudskosti i dijaloga među kulturama i religijama

1. Zašto „Škola svjetskog etosa“?

Svaka škola iz različitih razloga nastoji oblikovati vlastiti profil i prepoznatljivost koju zajedničkim snagama gradi cjelokupna školska zajednica. S tim u vezi, ukoliko se osvrnemo na aktualni životni kontekst, tehnološke i društvene promjene koje se odvijaju na mikro i makro planu, vidimo da svaki mladi čovjek više nego ikada treba etičke, međureligijske i interkulturalne kompetencije.

Imajući na umu izazove današnjeg vremena, mnoge škole ulažu veliki napor kako bi osmislile i unaprijedile produktivan i tolerantan suživot u školi. U tim naporima poticanja nenasilnog ophođenja među učenicima/ama nemoguće je postići pozitivne dugoročne rezultate bez dobro osmišljenog koncepta učenja o etičkim vrijednostima. S obzirom da mnoge školske zajednice čine pripadnici/e različitih vjerskih zajednica ali i nekih drugih manjinskih identiteta, ovaj koncept neizostavno čine metodologije rada i učenja koje potiču procese multikulturalnog učenja i komunikacije.

Pružajući uvid u različite teorijske i praktične koncepte podučavanja i učenja o etičkim vrijednostima, ETOS Inicijativa nastoji svim zainteresiranim nastavnicima/ama kao i cjelokupnim školskim zajednicama staviti na raspolaganje sve svoje kapacitete kako bi što uspješnije prevazišli aktualne izazove odgoja i podučavanja mladih ljudi.

2. Šta je „Škola svjetskog etosa“?

„Škola svjetskog etosa“ je svaka škola koja je u svoj usvojeni plan i program integrirala različite tematske oblasti koje su u vezi sa svjetskim etosom. To su škole koje su uspješno pronašle puteve kako da vrijednosti svjetskog etosa uključe u svakodnevni život škole.

Ideje svjetskog etosa se konkretiziraju kroz sljedeće principe i vrijednosti:

- Princip **uzajamnosti** koji se konkretizuje kroz „**zlatno pravilo**“: „Ono što ne želiš sebi, ne čini ni drugima!“
- Princip **ljudskosti**: „Svaki čovjek mora ljudski tretirati onog drugog.“
- Kultura **nenasilja** koja se konkretizuje strahopoštovanjem prema svakom živom biću.
- Kultura **solidarnosti** i pravедnosti
- Kultura **tolerancije**, transparentnosti i istinoljubivosti
- Kultura **jednakopravnosti** djevojčica i dječaka, muškaraca i žena

„Škola svjetskog etosa“ je ona škola koja želi biti:

- prepoznatljiva po tome što svoje aktivnosti osmišljava i realizira u duhu tolerancije prema manjinskim zajednicama koje su prisutne u školi odnosno lokalnoj zajednici
- prepoznatljiva po primjeni metodologije „škola po mjeri djeteta“ u kojoj će se svakom učeniku/ci pristupati pojedinačno
- prepoznatljive kao multireligijsko i multikulturalno mjesto susreta
- prepoznatljive po različitim nastavnim i vannastavnim aktivnostima koje će biti u službi javnog dobra neke lokalne zajednice.

3. Prednosti „Škole svjetskog etosa“

- Dobivanje stručne podrške ETOS Inicijative u oblasti učenja o etičkim vrijednostima i međureligijskog obrazovanja
- Stručna podrška u profiliranju imidža škole u javnosti kao škole koja poseban akcenat stavlja na odgojne vrijednosti učenja o etičkim vrijednostima
- Podrška ETOS Inicijative različitim školskim projektima i aktivnostima koje su skladu sa univerzalnim etičkim vrijednostima
- Umrežavanje i razmjena iskustava sa drugim školama koje su „Škole svjetskog etosa“ na lokalnom i međunarodnom nivou
- Dodatni seminari i obrazovni programi u suradnji sa partnerima iz Evrope

4. Kako postati „Škola svjetskog etosa“?

Svaka škola koja želi biti „Škola svjetskog etosa“ se obavezuje da će:

- ukoliko to već prethodno nije učinila da u skladu sa vlastitim usvojenim planom i programom integrisati radne i didaktičke materijale
- realizirati unutar jedne školske godine najmanje dva školska projekta čija se tematika veže za vrijednosti sadržane u konceptu svjetskog etosa. Aktivnosti trebaju biti unutar sljedećeg tematskog okvira i karaktera:
 - aktivnosti vezane za prevenciju vršnjačkog i rodno zasnovanog nasilja u školi i porodici, primjerice obilježavanje 16 dana aktivizma protiv rodno zasnovanog nasilja
 - aktivnosti vezane za promociju volonterizma, primjerice povezivanje učenika/ca sa različitim nevladinim ili humanitarnim organizacijama i obavezivanje učenika/ca na određeni fond sati volontiranja u nekoj od lokalnih organizacija
 - aktivnosti vezane za promociju ljudskih prava, primjerice obilježavanje Dana ljudskih prava, Međunarodnog dana tolerancije, Međunarodnog dana borbe protiv nasilja nad djecom, Međunarodnog dana dječjih prava itd.
 - aktivnosti vezane za promociju zaštite okoliša (Svjetski dan zaštite okoliša, Dan planete Zemlje)
 - aktivnosti vezane za međureligijski dijalog i mirovni aktivizam (Međunarodni dan tolerancije, Međunarodni dan borbe protiv rasizma itd.)

Predstavnici ETOS Inicijative očekuju od „Škola svjetskog etosa“ godišnji pismeni izvještaj (uključujući i fotografije) o održanim aktivnostima. U dogovoru sa školama članovi ETOS tima mogu se na licu mjesta informisati o održanim aktivnostima. Posjet školi postaje oblatoran kada neka škola nakon tri godine želi iznova postati „Škola svjetskog etosa“.

Predstavnici ETOS Inicijative mogu u dogovoru sa menadžmentom škole informisati javnost o održanim školskim aktivnostima i mogu biti medijator za uspostavljanje suradnje sa drugim "Školama svjetskog etosa" na lokalnom i međunarodnom nivou.

5. Prijava

Vaša prijava treba sadržavati sljedeće elemente:

- Usvojeni plan i program za tekuću školsku godinu
- Listu dosadašnjih aktivnosti u oblasti etičkog, međureligijskog i multikulturalnog obrazovanja
- Motivacijsko pismo zašto bi Vaša škola trebala biti "Škola svjetskog etosa"
- Pismeno odobrenje direktora/ce škole za ovu prijavu.

Molimo Vas da prijavu pošaljete na sljedeću adresu:

TPO Fondacija

Vilsonovo šetalište 10

71 000 Sarajevo

Bosna i Hercegovina

Tel./Fax: 00 387 (0) 33 663 350

Nakon pozitivne procjene Vaše prijave, stručni tim ETOS Inicijative će u dogovoru sa Vašom školom upriličiti posjet kako bismo se lično upoznali sa upravom škole, ali i stekli sliku o cjelokupnoj školskoj zajednici. Nakon posjeta, u danima koji slijede škola će biti obaviještena o tome da li će u budućnosti nositi obilježje "Škola svjetskog etosa".

ETOS Inicijativa dodjeljuje zainteresiranoj školi naziv "Škola svjetskog etosa" za period od tri tekuće školske godine. Nakon tri godine moguće je ponovno sticanje ovog naziva.